

Silaannakkut angallannermut isumannaallisaanerup (security)¹ iluani inunnik atuuffeqartunik annertusisamik tunuliaqutaannik nakkutilliineq aamma isumannaallisaanerup akuersissutigineqartarnerat pillugit Kalaallit Nunaannut nalunaarut

Silaannakkut angallanneq pillugu inatsimmi § 70, § 70 a, imm. 2, § 149, imm. 10, aamma § 153, imm. 1 malillugit tak. inatsimmut nalunaarut nr. 76, 24. Januar 2024-meersoq malillugu Trafikstyrelsenip suliassai aamma piginnaatitaaneri, naammagittaalliorsinnaatitaaneq aamma Trafikstyrelsenip silaannakkut angallanneq pillugu suliassaqarfimmi maleruaqqusaasa ilaannik Kalaallit Nunaannut nalunaarummi nr. 1625 af 12. december 2023, § 6, imm. 1 piginnaatitsineq malillugu aalajangersarneqarpoq:

Kapitali 1

Atuuffia aamma nassuiaatit il.il.

§ 1. Nalunaarut una annertusisamik tunuliaqutanik nakkutilliineq aamma isumannaallisaanerup akuersissuteqartarnerup pillugit aalajangersakkanik aalajangersaavoq. Nalunaarut inunnut atuuffilinnut, silaannakkut angallannerup isumannaallisaanerup (security) iluani isersinnaatitaasunut imaluunniit pisinnaatitaaffilinnut atuuppoq, tak. § 4, imm. 1, aamma § 17, imm. 1 aamma 2.

Imm. 2. Nalunaarut Kalaallit Nunaanni mittarfinnit imaluunniit mittarfinnut timmisartornernut atuuppoq, soorlu

- 1) EU-mit imaluunniit EU-mut timmisartornernut isumannaallisaanerup najoqqutassanik, inuinaat silaannakkut angallannerannut isumannaallisaaneq pillugu ataatsimoorussanik tunngaviusunik imminnut naligiittuttut EU-mit akuerineqarsimasunik malinnittunut, imaluunniit
- 2) nunanut tamalaanut allanut timmisartornernut atorineqassaaq.

§ 2. Nalunaarummi uani allassimasoq "peqqussut", ima paasineqassaaq Silaannakkut angallannerup isumannaallisaanerup tunngaviusunik najoqqutassanik, immikkuualuttortai ilanngullugit, ataatsimoorussanik naammassinninnissamut sulissutiginninnerit pillugit Kommissionip atortuulersitsinerup peqqussutaa (EU) 2015/1998, 15. november 2015-imeersoq.

Imm. 2. Kalaallit Nunaanni taamaallaat annertusisamik tunuliaqutanik nakkutilliineq atorineqartarpoq, tak. pkt. 11.1.3. peqqussummut ilanngussami.

Imm. 3. Nalunaarummi uani allassimasoq "ID-mik aamma CV-mik nakkutilliineq", ima paasineqassaaq inuup kinaassusaanik uppersaatit tunngavigalugit uppersaaneq, aamma

¹ Nalunaarutip, Silaannakkut angallannerup isumannaallisaanerup tunngaviusunik najoqqutassanik, immikkuualuttortai ilanngullugit, ataatsimoorussanik naammassinninnissamut sulissutiginninnerit pillugit Kommissionip atortuulersitsinerup peqqussutaa (EU) 2015/1998, 15. november 2015-imeersumi aalajangersakkat naammaqqusersorpai. (EU-Tidende 2015, nr. L 72, qupp. 53). Europami Unionip atuuffiani periupeq pillugu isumaqatigiisummi artikel 288 malillugu naalagaafinnut ilaasortanut tamanut peqqussut atuuttarpoq.

inuup suliffeqarnera, ilinniagaqarsimanera aamma ikinnerpaamik ukiuni tallimani kingullerni unitsitsigallarsimasinnaanera ilanngullugit nakkutilliineq”, tak. § 3, nr. 1 aamma 3.

Imm. 4. Nalunaarummi § 1, imm. 2-mi immikkoortiterineq, inuinnarnik silaannakkut angallassisarneq (GASP) pillugu kalaallit isumannaallisaanermut iliuusissanni malittarisassanik malinnittumut immikkoortiterinermut innersuussivoq.

Kapitali 2

Annertusisamik tunuliaqutanik nakkutilliineq

§ 3. Annertusisamik tunuliaqutanik nakkutilliineq ima siunertaqarpoq:

1) inuup kinaassusaanik uppersaatit tunngavigalugit aalajangiissaaq,

2) ikinnerpaamik ukiuni tallimani ingerlareersuni inuup nunanit najugaqarfigisimasaanit tamanit pinerluutit nalunaarsorneqarfii ilanngunneqassapput,

3) ikinnerpaamik ukiuni tallimani ingerlareersuni inuup suliffigisimasai, ilinniagaqarsimanera aamma unitsitsigallarsimasinnaanera ilanngunneqassapput aamma

4) tusarliussat aamma nunap iluani oqartussat piginnaasallit paasisutissat allat attuumassutillit pigisai, aamma taakku naliliinerat malillugu inuup atuuffimmi sulisinnaanermut piukkunnassusaanut attuumassuteqarsinnaasut annertusisamik tunuliaqutanik nakkutilliiffigineqarnissaanut pisariaqartinneqartut ilanngunneqassapput.

Inuit piumasaqaatit aalajangersimasut malillugit pineqartut

§ 4. Inuit tulliuuttut naammaginantumik inerneqartumik annertusisamik tunuliaqutanik nakkutilliiffigineqassapput:

1) Inuit, isumannaallisaanermik-illersukkami sumiiffimmi, misissuineramik, isersinnaatitaaneq pillugu nakkutilliineramik imaluunniit allanik isumannaallisaanermut nakkutilliineramik ingerlatsisussatut imaluunniit akisussaasutut atorfinitsinneqartut.

2) Inuit, isumannaallisaanermik-illersugaanngitsumi sumiiffimmi, misissuineramik, isersinnaatitaaneq pillugu nakkutilliineramik imaluunniit allanik isumannaallisaanermut nakkutilliineramik ingerlatsisussatut imaluunniit akisussaasutut atorfinitsinneqartut.

3) Inuit, ingiallorteqaratik nassiussanut timmisartukkoortitassanut nassiussisarfinnut aamma allakkanik timmisartukkoortitassanut nassiussisarfinnut isersinnaatitaasut, timmisartortitseqatigiitt allagarsiaateqarfiinut aamma atortussaateqarfiinut ingiallorteqaratik isersinnaatitaasut, timmisartornerni atugassanik pilersuineranut pissamaateqarfinnut aamma mittarfiit pisiortorfiisa tunniussisarfiannut ingiallorteqaratik isersinnaatitaasut pillugit piumasarineqartutut isumannaallisaanermut nakkutilliiffigineqassapput.

4) Inuit ingerlatsineranut pisortatut pisinnaatitaaffillit imaluunniit nakkutigineqanngitsumik aamma immikkut ittumik aarlerinaatilinnik paasisutissiineranut- aamma attaveqatigiinnermut teknologiimut aqqissuussanut aamma paasisutissanut, inuinnarnik silaannakkut angallassisarnermut isumannaallisaanermut atorneqartartunut killeqanngitsumik isersinnaatitaasut, taakku punkt 1.7.1.-imi peqqussummut ilanngussami pineqartut, inuinnarnik silaannakkut angallassisarneq pillugu nunami namminermit isumannaallisaanermut

programmi naapertorlugu, imaluunniit allatut peqqussummut ilanngussami punkt 1.7.3. malillugu navianaatilinnik nalilersuinermi suussusilerneqarsimasut.

5) Inuk kinaluunniit, mittarfimmi-kinaassutsimut-allagartamik atulersinneqarsimasumik tunineqartussa.

6) Inuk kinaluunniit, timmisartumi-inuttamut-kinaassutsimik-allagartamik atulersinneqarsimasumik tunineqartussa.

Sulisitsisup / mittarfiup / timmisartortitseqatigiitakisussaaffia

§ 5. Sulisitsisup, mittarfiup imaluunniit timmisartortitseqatigiitinnuit, atuffinnik suliaqartussaasut imaluunniit isersinnaasut imaluunniit ingerlatsinermit pisortatut pisinnaatitaaffiliit, § 4, imm. 1, nr. 1-4-mi allassimasutut, annertusisamik tunuliaqutanik, naammaginantumik inerneqartumik, nakkutilliiffiqarsimanissaat akisussaaffigaa, tak. § 3, tamanna pissaaq inuit pineqartut atuuffiminnik suliaqalersinnagit imaluunniit atuuffinnut ilinniagaqarnermik aallartitsinnagit imaluunniit isersinnaatitaannginnerini imaluunniit ingerlatsinermit pisortatut pisinnaatitaaffeqalersinnagit. Sulisitsisoq, mittarfik imaluunniit timmisartortitseqatigiit annertusisamik tunuliaqutanik inuit pineqartut pillugit ID-mik aamma CV-mik nakkutilliiffiqarsimanissaannut akisussaasuvoq.

Imm. 2. Inuit, mittarfimmut-kinaassutsimiut-allagartamik atulersinneqartumik tunineqartussat, tak. § 4, imm. 1, nr. 5, imaluunniit § 15, imm. 1, pillugit mittarfik akisussaasuvoq, aamma piffissami tassani atuffinnik suliaqartussatut imaluunniit isersinnaasutut imaluunniit ingerlatsinermit pisortatut pisinnaatitaaffeqartutut peqatigitillugu atorfinitsinneqartussaannigitsut, § 4, imm. 1, nr. 1-4-mi allassimasutut, annertusisamik tunuliaqutaannik, naammaginantumik inerneqartumik, nakkutilliiffiqarsimanissaannut akisussaasuulluni, tak. § 3, inuit pineqartut mittarfimmi-kinaassutsimut-allagartamik tunineqartinnagit. Mittarfik annertusisamik tunuliaqutanik nakkutilliinermit, inuit pineqartut pillugit ID-mik aamma CV-mik nakkutilliinissamut akisussaasuvoq, taamaattorli tak. imm. 5.

Imm. 3. Inuit timmisartumi-inuttamut-kinaassutsimik-allagartarmik atulersinneqartumik tunineqartussat annertusisamik tunuliaqutanik, naammaginantumik inerneqartumik, nakkutilliiffiqarsimanissaannut timmisartortitseqatigiit akisussaasuvoq, § 4, imm. 1, nr. 6-imi imaluunniit § 15, imm. 1-imi allassimasoq malillugu, tak. § 3, allassimasoq malillugu, inuit pineqartut timmisartumi-inuttamut-kinaassutsimik-allagartamik tunineqannginneranni. Timmisartortitseqatigiit annertusisamik tunuliaqutanik nakkutilliinermit akisussaasuvoq, tassunga ilaapput inuit pineqartut pillugit ID-mik aamma CV-mik nakkutilliineq.

Imm. 4. Sulisitsisup, mittarfiup imaluunniit timmisartortitseqatigiitinnuit annertusisamik tunuliaqutaannik nakkutilliinermit, ID-mik aamma CV-mik nakkutilliineq ilanngullugu suliassamik allamut suliassanngortitsippat, taava sulisitsisoq, mittarfik imaluunniit timmisartortitseqatigiit, ID-mik aamma CV-mik nakkutilliinermit suliassamik ingerlatsissusap pitsaassutsimik nakkutilliiffiqarsimanissaanik ingerlatsissaaq. Taamaattorli pitsaassutsimik nakkutilliineq ingerlanneqassanngilaq, ID-mik aamma CV-mik nakkutilliineq pisortat oqartussa qarfiinit imaluunniit Naviairimit ingerlanneqartarpat, tak. imm. 5.

Imm. 5. Inunnut pisortat oqartussa qarfinni imaluunniit Naviairimi atorfeqarnerminnut atatillugu mittarfimmi-kinaassutsimut-allagartamik tunineqassappata, pisortani oqartussat imaluunniit Naviairip annertusisamik tunuliaqutanik nakkutilliinerit akisussaaffigissavaat, tassunga ilaallutik inuit pineqartut pillugit ID-mik aamma CV-mik nakkutilliineq.

§ 6. Inunnut Kalaallit Nunaata avataani najugaqartunut annertusisamik tunuliaqutanik nakkutilliinerup ingerlateqqinneqaqqinnissaanut sulisitsisoq, mittarfik imaluunniit timmisartortitseqatigiit akisussaasuvoq, tak. § 9 aamma § 15, imm. 1.

§ 7. Sulisitsisoq imaluunniit mittarfimmi-kinaassutsimut-allagartamik imaluunniit timmisartumi-inuttamut-kinaassutsimik-allagartamik, annertusisamik tunuliaqutanik nakkutilliiffigineqarsimasunut inunnut tunniussisoq § 14, imm. 1 malillugu, politiinut inuk annertusisamik tunuliaqutanik nakkutilliiffigineqarsimasoq atuuffimmini suliunnaarsimappat, sulinnaarnerlu tunuliaqutamik nakkutilliinissamik pisariaqartitsilersimappat, politiinut nalunaaruteqassaaq. Nalunaarut qaammatip tulliaata naannginnerani kingusinnerpaamik tunniunneqarsimassaaq.

Imm. 2. Sulisitsisoq, inuit annertusisamik tunuliaqutanik naammaginartumik inernejartumik nakkutilliiffigineqarunnaarsimasut, tak. § 14, imm. 2, imaluunniit § 18, imm. 1, atuuffinnik ingerlataqarunnaarnissaannut imaluunniit isersinnaatitaajunnaarnissaannut, § 4, imm. 1-imi allassimasutut akisussaasuvoq.

Imm. 3. Mittarfik, inuit annertusisamik tunuliaqutanik naammaginartumik inernejartumik nakkutilliiffigineqarunnaarsimasunut mittarfimmi-kinaassutsimut-allagartamik arsaarinninnissamut akisussaasuvoq, aamma timmisartortitseqatigiit timmisartumi-inuttamut-kinaassutsimik-allagartamik arsaarinninnissamut akisussaasuvoq, tak. § 14, imm. 2, imaluunniit § 18, imm. 1.

Pinerluutit nalunaarsorneqarfiini paasissutissat il.il. pillugit annertusisamik tunuliaqutanik nakkutilliinissamut qinnuteqarneq

§ 8. Pinerluutit nalunaarsorneqarfiini paasissutissanik aamma paasissutissanik allanik naleqquttunik annertusisamik tunuliaqutanik nakkutilliinissaq pillugu qinnuteqaat sulisitsisumit, mittarfimmit imaluunniit timmisartortitseqatigiitmit politiinut tunniunneqassaaq.

Imm. 2. Immersugassaq politiinit tunniunneqartussaq atorlugu qinnuteqaat elektroniskimik nassiunneqassaaq.

Imm. 3. Qinnuteqaat tunniunneqartinnagu, sulisitsisup, mittarfiup imaluunniit timmisartortitseqatigiitID-mik aamma CV-mik nakkutilliineq naammaginartumik inernejartumik ingerlassimassavaa.

Annertusisamik tunuliaqutanik nakkutilliinermik uteqqiineq

§ 9. Inuit, § 4, imm. 1-mi allassimasutut atuuffinnik suliaqartussatut atorfinitsinneqarsimasut imaluunniit isersinnaatitaasut imaluunniit mittarfinnut- imaluunniit timmisartumi-inuttamut-kinaassutsimik-allagartallit annertusisamik tunuliaqutanik naammaginartumik inernejartumik ingerlaavartumik nakkutilliiffigineqartassapput.

Imm. 2. § 14, imm. 1 malillugu, tak. 4, annertusisamik tunuliaqutanik naammaginartumik inernejartumik nakkutilliifneq, piffissami akulikitsumik ingerlanneqaqqittassaaq, qaammatit 12-it qaangiutsinnagit.

Imm. 3. Imm. 2 malillugu qinnuteqaat, inuk annertusisamik tunuliaqutanik naammaginartumik inernilimmik misissuiffigineqarsimasoq pillugu kingullermik § 14 malillugu aalajangiinermiit qaammatit 12-it qaangiutsinnagit sapaatip akunneri 8-t sioqqullugit politiinut tunniusseqassaaq.

Imm. 4. Aalajangiinermiit kingullermit qaammatit 12-it qaangiutsinnagit 14, imm. 1 malillugu inuk annertusisamik tunuliaqutanik naammaginartumik inernilimmik sulilu atuuttumik misissuiffigineqarsimasoq aalajangiisoqarsimanngippat, taava aalajangigaq siulleq nammineq atorunnaassaaq.

Imm. 5. ID-mik aamma CV-mik nakkutilliineq, tak. § 3, nr. 1 aamma 3, piffissami akulikitsumik, qaammatit 12-it qaangiutsinnagit ingerlanneqaqqittassaaq.

Politiit suliamik suliarinnittarnerat

§ 10. Ikinerpaamik ukiuni kingullerni tallimani nunanit najugaqarfigisimasanit tamanit pinerluutit nalunaarsorneqarfiinit paasissutissat pissarsiarinissaannut taakkuninngalu nakkutilliinissamut politiit akisussaasuupput, annertusisamik tunuliaqutanik nakkutilliinermik suliaqarnermut atatillugu.

Imm. 2. Ikinerpaamik ukiuni tallimani kingullerni nunanit najugaqarfigisimasanit tamanit pinerluutit nalunaarsorneqarfiinit paasissutissat pissarsiarinissaannut taakkuninngalu nakkutilliinissamut politiit periarfissaqanngikkunik, taava politiit inummut tassunga nalunaaruteqassaaq, taannalu tamatuma kingorna nammineq nunanit najugaqarfigisimasaminit pineqartunit pinerluutit nalunaarsorneqarfiinit paasissutissanik pissarsiniarsinnaavoq saqqummiussillunilu.

Imm. 3. Inuup nammineq nunanit najugaqarfigisimasaminit allanit pinerluutit nalunaarsorneqarfiinit paasissutissanik pissarsiarisimasaanik, tak. imm. 2. politiit paasissutissat uppernarnerannik nalilersuissapput.

Imm. 4. Nunanit najugaqarfigisimasanit tamanit pinerluutit nalunaarsorneqarfiinit paasissutissanik politiit imaluunniit qinnuteqartoq nammineq pissarsiniarnissamut periarfissaqanngippata, tak. imm. 1 aamma 2, imaluunniit qinnuteqartumit nammineq paasissutissat pissarsiarineqarsimasut uppernassuseqanngitsutut nalilerneqarpata, tak. imm. 3, taava inuk annertusisamik tunuliaqutanik naammaginartumik inerneqartumik nakkutilliiffigineqarsinnaanngilaq.

§ 11. Politiit tusarliussanik aamma allanik paasissutissanik attuumassutilinnik politiitit pigineqartunik, aamma namminneq naliliinertik malillugu inuup atuuffimmi sulisinnaaneranut annertusisamik tunuliaqutanik nakkutilliiffigineqarnissamik pisariaqartitsiffiusumi nakkutilliinissamut akisussaasuupput.

§ 12. Politiit inatsisinik unioqqutitsinernik aamma peqqarniisaarniarlutik iliuuseqarnernik tamanik, peqqussummut ilanngussami punkt 11.0.9-imi innersuutigineqartunik naliliisoqarnissaanut akisussaasuupput. Politiit tamatumunnga ilanngullugu paasissavaat, ilumut inuk nalunaarsuiffimmi allanneqarsimasunik, peqqussummut ilanngussami punkt 11.0.9, litra b-mi innersuutigineqartunik, peqqarniisaarniarluni iliuuseqarsimalluni pineqaatissinneqarsimanersoq, tassami inatsimmik unioqqutitsinerit taakku, pinerluutit, inuup, tak. § 14 annertusisamik tunuliaqutaanik naammaginartumik inerneqartumik nakkutilliiffigineqarsinnaajunnaarnerannut tungaavittut isigineqassammata.

§ 13. Politiit §§ 10-12-imi allassimasutut inunnut annertusisamik tunuliaqutanik nakkutilliiffigineqartussanut, tak. § 3, aamma Kalaallit Nunaanni najugaqartunut akisussaasuupput.

§ 14. Midt- og Vestjyllandimi Politidirektørip paasissutissat tunngavigalugit aalajangiissaaq, tak. §§ 10-12, inuk annertusisamik tunuliaqutanik, naammaginantumik inerneqartumik, § 3, nr. 2 aamma 4 malillugit nakkutilliffigineqarsimanersoq.

Imm. 2. Midt- og Vestjyllandimi Politidirektørip aalajangiineq atorunnaarsissinnaavaa, tak. imm. 1, Midt- aamma Vestjyllandip Politiivisa paasissutissat, inuup annertusisamik tunuliaqutanik naammaginantumik inerneqartumik nakkutilliffigineqarsinnaajunnaarneranik kinguneqartut, tiguppagit.

Imm. 3. Politiit imm. 1 imaluunniit 2 malillugu aalajangiinerup inernera pillugu sulisitsisoq, mittarfik imaluunniit timmisartortitseqatigiit ilisimatissavai.

Kapitali 3

Naalagaaffimmi EU-mut ilaasortaami imaluunniit nunami-EFTA-mut ilaasortami annertusisamik tunuliaqutanik nakkutilliineq

§ 15. Inuk, Naalagaaffimmi EU-mut ilaasortami kiisalu nunami EFTA-mut ilaasortami najugaqarpat, aamma nunami najugaqarfimmini naammaginantumik inerneqartumik annertusisamik tunuliaqutanik nakkutilliffigineqarsimappat, taanna annertusisamik tunuliaqutanik nakkutilliisimaneq tunngavigalugu mittarfimmi-kinaassutsimut-allagartamik imaluunniit timmisartumi-inuttamut-kinaassutsimik-allagartamik tunineqarsinnaavoq.

Imm. 2. Mittarfimmi-kinaassutsimut-allagartamik imaluunniit timmisartumi-inuttamut-kinaassutsimik-allagartamik imm. 1 malillugu tunniussisoqannginnermi, annertusisamik tunuliaqutanik nakkutilliisarnermut naalagaaffimmi pineqartumi peqqussut malillugu akisussaalluni oqartussap uppernarsassavaa

1) pinerluutit nalunaarsorneqarfiini paasissutissat kiisalu tusarliussat aamma paasissutissat allat attuumassutillit pillugit misissuisoqarsimasoq, peqqussummut ilanngussami pkt. 11.1.3, litra b aamma d malillugit,

2) peqqussummut ilanngussami pkt. 11.0.9 malillugu isumaliutersuuteqartoqarsimasoq

3) peqqussummut ilanngussami pkt. 11.1.3, litra b aamma d malillugit paasissutissat allat pillugit annertusisamik tunuliaqutanik naammaginantumik inerneqartumik nakkutilliisoqarsimasoq.

Imm. 3. Naalagaaffimmi pineqartumi oqartussaq peqqussut malillugu annertusisamik tunuliaqutanik nakkutilliinermik akisussaalluni suliaqartussaq aammattaaq annertusisamik tunuliaqutanik nakkutilliinerup atuunneranut piffissaq ilisimatitsissutigissavaa, nakkutilliineq akulikitsumik ingerlanneqaqqittarpat, tak. peqqussummut ilanngussami pkt. 11.1.7, litra b. Tassunga taarsiullugu naalagaaffiup pineqartupq ingerlaavartumik nakkutilliinermut periaaseq atortaraa paasissutissiissutigineqassaaq, tak. peqqussummut ilanngussami pkt. 11.1.7, litra a.

§ 16. Nunami najugaqarfigisami annertusisamik tunuliaqutanik nakkutilliineq ingerlanneqarsimasoq tunuliaqutaralugu mittarfimmi-kinaassutsimut-allagartamik imaluunniit timmisartumi-inuttamut-kinaassutsimik-allagartamik qinnuteqartoqarpat, tak. § 15, taava tamanna qinnuteqarnermi paasissutissiissutigineqassaaq, aamma tamatumunnga immersugassaq immikkut ittoq politiinit tunniunneqartussaq atorneqassalluni.

Imm. 2. Politiit § 15, imm. 2 aamma 3 malillugit nunami najugaqarfigisami oqartussamit qinnuteqartumit innersuunneqartumit paasissutissat pissarsiariniassavaat.

Imm. 3. Paasissutissat pissarsiarineqarsimasut takutippassuk, tak. imm. 2, annertusisamik tunuliaqutanik nakkutilliineq ingerlanneqarsimasoq, taava pinerluutit nalunaarsorneqarfiinik - aamma isertortukkut paasiniaasartunit paasissutissat pillugit annertusisamik tunuliaqutanik naammaginartumik inernejartumik nakkutilliineq ingerlanneqarsimasoq politiit nalunaarutigissavaat.

Imm. 4. Nunamit najugaqarfigisamit akisussaalluni oqartussap annertusisamik tunuliaqutanik nakkutilliineq ukiut tamaasa ingerlanneqaqqittartoq ilisimatitsissutigippagu, taava Kalaallit Nunaanni atuunneranut piffissaritaasoq, nunani allani annertusisamik tunuliaqutanik nakkutilliinermut piffissarititasumut atuuttumut assingulersillugu killilerneqassaaq, tamatumalu kingorna nutaamik qinnuteqartoqaqqittoqassalluni.

Imm. 5. Nunamit najugaqarfigisamit akisussaalluni oqartussaq paasititsippat, ingerlaavartumik nakkutilliinermut aqqissuussineq atornejartoq, taava Kalaallit Nunaanni qaammatit 12-it atuunneranut piffissaliunneqassapput. Tamatuma kingorna nutaamik annertusisamik tunuliaqutanik nakkutilliisoqarnissaanik qinnuteqartoqartassaaq.

Kapitali 4

Isumannaallisaanermut akuersissut

Inuit pineqartut

§ 17. Naak § 4, imm. 1-imi aalajangersagaqaraluartoq, inuit atuuffinnik tulliuuttunik suliaqartussat atorfinitsinneqarsimasut, paasissutissanik ISERTUKKATUT immikkoortiteriffiqarsimasut pillugit suliarinnissinnaanissartik pillugu isumannaallisaanermut akuerineqassapput:

- 1) Inuit, ilaasunik imaluunniit nassatanik tigummaannarissanik isumannaallisaanermut nakkutilliisut.
- 2) Inuit, inunnik ilaasuunngitsunik allanik aamma taakku nassataannik, isumannaallisaanikkut-illersugaasumut sumiiffimmut aqqusaaraangata misissuisartut.
- 3) Inuit, nassatanik allatseriikkanik isumannaallisaanikkut-illersugaasumut sumiiffimmut eqqunneqartinnagit isumannaallisaanermut nakkutilliisartut.
- 4) Inuit, usinik aamma allakanik timmersartumut usitut ikiorartinnagit isumannaallisaanermut nakkutilliillutik misissuisartut.
- 5) Inuit, timmisartukkut angallassinermut ingerlatseqatigiiffiit allagaataannik aamma atortussaataannik timmisartumut usitut ikiorartinnagit isumannaallisaanermut nakkutilliillutik misissuisartut.
- 6) Inuit, timmisartornerup nalaani pissamaatinik, isumannaallisaanikkut-illersugaasumut sumiiffimmut eqqunneqartinnagit isumannaallisaanermut nakkutilliillutik misissuisartut.
- 7) Inuit, mittarfimmut tunniussisassanik, isumannaallisaanikkut-illersugaasumut sumiiffimmut eqqunneqartinnagit, isumannaallisaanermut nakkutilliillutik misissuisartut.
- 8) Mittarfinni isumannaallisaanermut pisortat, taakku tullersortaata kiisalu mittarfimmi isumannaallisaanermut aqutsisoqatigiinnut ilaasortat.
- 9) Inuit mittarfiup isumannaallisaanermut ataatsimiititaliaasa ataatsimiinnerannut peqataasartut.
- 10) Inuit, isumannaallisaanermut pilersaarutinik isertukkanik takunnissinnaasut.

11) Timmisartortitseqatigiinni isumannaallisaanermut pisortat kiisalu taakku tullersortai.

12) Usinik assartuisartut isumannaallisaanermut akisussaasui, isumannaallisaanermut nakkutilliillutik misissuisartut.

13) Usinik allaanerusunik assartuisartunik isumannaallisaanermut akisussaasut, taakku paasissutissanik isertukkanik pisariaqartitsinertik malillugu takunnissinnaasut.

14) Pisiniarfigisartakkanik isumannaallisaanermut akuerineqarsimasunik isumannaallisaanermut akisussaasut.

Imm. 2. Inuit, silaannakkut angallannermut isumannaallisaaneq (security) pillugu, paasissutissanik isertukkanik takunnissinnaasussat, paasissutissat ISERTUKKATUT immikkoortiteriffigineqarsimasut pillugit suliarinnissinnaanissartik pillugu isumannaallisaanermut akuerineqartussaapput, imm. 1-imi allassimasutut atuuffinnilluunniit suliaqaraluarpata.

Imm. 3. Inuit, imm. 1 imaluunniit 2 malillugu isumannaallisaanermut akuerineqartussat, aammattaaq ID-mik aamma CV-mik nakkutilliiffigineqassapput, tak. § 4, imm. 3, aamma § 18, imm. 1.

Imm. 4. Inuit, imm. 1 imaluunniit 2 malillugu isumannaallisaanermut akuerineqartussat, atuuffinnik piffissami suliaqartussaataaffimmini imaluunniit silaannakkut angallannermut isumannaallisaanermut (security) tunngasunik paasissutissanik isertukkanik piffissami takunnissinnaatitaaffimmini isumannaallisaanermut akuersissuteqartussaapput.

Imm. 5. Inuit, imm. 1 imaluunniit 2 malillugu isumannaallisaanermut akuerineqartussat, § 14, imm. 1 malillugu aamma aalajangiiffigineqassanngillat.

Imm. 6. Inunnut, imm. 1 imaluunniit 2 malillugu isumannaallisaanermut akuerineqartussanut, NATO-mi imaluunniit EU-mi nunani ataatsimut soqutiginaatilinnik paasissutissanik isumannaallisaanermut illersuineq, aamma paasissutissat allat isertukkat kiisalu isumannaallisaanermut tunngatillugu illersuisoqarnissaanik soqutigisat pillugit kaajallaasitami nr. 10338, 17. december 2014-imeersumi §§ 12, 16, 17, 20-25-mi malittarisassat aalajangersakkat atuupput.

Imm. 7. Inuit, pisortani oqartussani imaluunniit Naviairimi atorfeqarnertik pissutigalugu, paasissutissanik ISERTUKKANIK imaluunniit paasissutissanik isertugaasussat qaffasissusilinnik suliaqarnissaminnikt isumannaallisaanermut akuerineqarsimasut, nalunaarut una malillugu isumannaallisaanermut akuerineqassanngillat. Taamaattorli ID-mik aamma CV-mik nakkutilliineq inunnut taakkununga ingerlanneqartassaaq, tak. § 5, imm. 5.

Sulisitsisup / mittarfiup / timmisartortitseqatigiit akisussaaffiat

§ 18. Inunnut § 17, imm. 1 imaluunniit 2 malillugu isumannaallisaanermut akuerineqartussanut ID-mik aamma CV-mik naammaginartumik inerneqartumik nakkutilliinermik ingerlanneqartussanut sulisitsisoq, mittarfik imaluunniit timmisartortitseqatigiit akisussaasuupput.

Imm. 2. Inuit, § 17, imm. 1 imaluunniit 2-p ataaniittut isumannaallisaanissamut akuerineqarnissaannut sulisitsisoq, mittarfik imaluunniit timmisartortitseqatigiit akisussaasuupput, inuit taakku

1) § 17, imm. 1-imi allassimasunik suliassanik suliaqarpata,

2) § 17, imm. 1-imi allassimasunik atuuffinnik suliaqarpata,

3) § 17, imm. 1-imi allassimasunik atuuffinnik ilinniagaqartinneqarpata, imaluunniit

4) § 17, imm. 1, nr. 10, imaluunniit § 17, imm. 2-mi allassimasutut paasissutissanik isertukkanik takunnissinnaappata.

§ 19. Inunnut sulisitsisup, § 17, imm. 1 imaluunniit 2 malillugu isumannaallisaanikkut akuerineqartussat pillugit, isumannaallisaanermut akuersissuteqartarnermut inuk attaveqaat, toqqassavaa aamma taamanna pillugu Naalakkersuisut nalunaarfigissallugit. Attaveqaat isumannaallisaanermut pisortaasinnaavoq imaluunniit isumannaallisaanermut akisussaasuusinnaalluni.

Imm. 2. Sulisitsisup isumannaallisaanermut akuersissuteqarnissamut qinnuteqaat pillugu Naalakkersuisunut isumannaatsumik nassiunneqarnissaanut innersuussissapput, inuup isumannaallisaanermut akuersissuteqarnissaa § 17, imm. 1 imaluunniit 2 malillugit piunasaqaataappat.

Imm. 3. Inunnut, § 20, imm. 1 malillugu isumannaallisaanermut akuersissutilinnut sulisitsisoq, inuk isumannaallisaanermut akuersissutilik atuuffimmi suliuunnaarsimappat imaluunniit silaannakkut angallannermut isumannaallisaanermut (security) paasissutissanik isertukkanik takunnissinnaanerminik pisariaqartitsiunnaarpat kingusinnerpaamik qaammat ataaseq qaangiutsinnagu Naalakkersuisut nalunaaruteqassaaq. Tamatuma kingorna isumannaallisaanermut akuersissut nalunaarutigineqarluni atorunnaarsinneqassaaq.

Imm. 4. Isumannaallisaanermut akuersissutip atorunnaarnissaanut kingusinnerpaamik qaammatit pingasut sioqqullugit, isumannaallisaanermut akuersissutip nutarternissaa pillugu Trafikstyrelsenimut qinnuteqaat sulisitsisup nassiutissavaa.

Naalakkersuisut suliamik suliarinnittarnerat

§ 20. Naalakkersuisut nalunaarut una malillugu isumannaallisaanermut akuersissutit pillugit qinnuteqaatit suliaralugillu akuersissutigisarpaat. Naalakkersuisut isumannaallisaanermut akuersissutit pillugu aalajangiinissaminnut atugassaannik Politiit Isertortumik paasiniaasartui isumannaallisaanermut misissuissapput. Naalakkersuisut isumannaallisaanermut akuersissut pillugu aalajangigassaat inuk pillugu paasissutissat pigineqartut tunngavigalugit aalajangerneqassaaq. Taamaalilluni pingartinneqassaaq inuup pineqartup

1) ilumoortumik assortuussutaasinnaangitsumik tatiginartuunermik takutitsisimanera aamma

2) inuk pineqartoq ima pissusilersortartoq aamma ima pissuseqartoq, matumani ileqqoqartoq, attaveqaateqartoq aamma malunnaarsaartuusoq, taamaalillunilu inuup taassuma silaannakkut angallannermut isumannaallisaanermi isertukkat paasissutissat suliaritillugit tatiginartuunera imaluunniit atuuffinnik isumannaallisaanermut akuersissuteqarnissamik piunasaqaateqartunik suliaqarnermini tatiginartuunera qularisassaangitsoq.

Imm. 2. Paasissutissat ISERTUKKATUT immikkoortinneqarsimasut suliarisarnissaannut isumannaallisaanermut akuersissut piffissap aalajangiiffiup nalaanit amerlanerpaanik ukiuni 10-ni atuuttarpoq.

Imm. 3. Naalakkersuisut isumannaallisaanermut akuersissutip atorunnaarsinnissaanut aalajangiisinnaavoq tak. imm. 1, Naalakkersuisut nalilerpassuk, inuk pineqartoq isumannaallisaanermut akuersissummik tunineqarsinnaajunaartoq.

Imm. 4. Naalakkersuisut sulisitsisoq, mittarfik imaluunniit timmisartortitseqatigiit isumannaallisaanermut akuersissuteqarneq pillugu aalajangiinerup inerneranik ilisimatissavai, tak. imm. 1 aamma 3.

Imm. 5. Naalakkersuisut inuit isumannaallisaanermut akuersissutigineqarsimasut pillugit nutarterneqartartumik allattorsimaffeqassapput. Allattorsimaffik inuk pineqartoq isertukkanik qanoq qaffasitsigisunik takunnissinnaasoq pillugu akuersissutigineqarsimasoq pillugu paasissutissanik imaqassaaq, kiisalu isumannaallisaanermut akuersissutit atulersinneqarnerannut ulloq aamma atuunneranut piffissaq allassimassallutik.

Kapitali 5

Naammagittaalliorsinnaaneq

§ 21. Midt- aamma Vestjyllandip Politiivini Politidirektørip § 14, imm. 1 aamma 2 malillugit aalajangiinera, Naalagaaffiup Politiivinut naammagittaalliuutigineqarsinnaavoq.

Imm. 2. Naalakkersuisut § 20, imm. 1 aamma 3 malillugit isumannaallisaanermut akuersissut pillugu aalajangiinera transportministerimut imaluunniit aqutsinermi allaffissornikkut oqatussamut allamut naammagittaalliuutigineqarsinnaanngilaq

Kapitali 6

Pillaaneq il.il.

§ 22. Inatsit alla malillugu nammineq pisuussutigalugu qaffasinnerusumik pillaatissinneqartoqarsimanngippat, § 5, imm. 1-4, §§ 6-7 aamma § 18 malillugit unioqqutitsisoq akiliisitsummik pillaatissinneqassaaq.

Imm. 2. Inatsit alla malillugu nammineq pisuussutigalugu qaffasinnerusumik pillaatissinneqartoqarsimanngippat, taava silaannakkut angallannermut isumannaallisaaneq (security) pillugu paasissutissanik piaarinani ingerlatitseqqiisimasoq akiligassillugu pillatissinneqassaaq.

Imm. 3. Ingerlatseqatigiiffiit peqquneqarsinnaapput il.il. (ataatsimoortut inatsiseqartitsinikkut nammineertut) pinerlunnerit pillugit inatsiseqartitsinikkut akisussaaffilerneqarsinnaapput Kalaallit Nunaanni pinerluttunik eqqartuussisarnermik inatsimmi kapitali 5-imi malittarisassat malillugit.

Kapitali 7

Atortuulersitsineq aamma aalajangersakkat ikaarsaarutaasut

§ 23. Nalunaarut ulloq 21. maj 2024 atortuulersinneqarpoq.

§ 24. Tunuliaqutanik nakkutilliinerit, ulloq 21. maj, nallertinnagu ingerlanneqarsimasut, atorunnaarnissamik tungaannut imaluunniit kingusinnerpaamik ulloq 30. juni 2024-mut sulii atuutissapput, ulloq sorleq siulliunersoq apeqqutaatillugu.

Trafikstyrelsen, ulloq 16. maj 2024

Nanna Møller

/ Anders Windfeldt Jensen